



Inatsisartunut ilaasortaq
Knud Fleischer
Kattusseqatigiit Partiat

Akitsuuteqanngitsunik nunatsinnut eqqussisarneq pillugu § 37 malillugu apeqqutigineqartunut akissutit.

Asasara Knud Fleischer.

Nunatsinnut tikinnermi akitsuuteqanngitsunik eqqussisarneq pillugu apeqquterpaaloqarputit matumuuna akiniagassannik.

Aallaqqaasiullugu oqaatigineqassaaq nioqqutissanik akitsuusigaanngitsunik pisisinnaanerup eqqussisinnaanerullu unitsinneqarnerannut ilaammata imigassat aalakoormartullit ilaatigullu tupanik nioqqutissat.

Tamakku saniatigut Naalakkersuisut oqaatigisinnaavaat maannakkut eqqussinik-kut akitsuusiussanik pisarsiarineqartartut allanngoriartornerat naliliisarlungi misissorneqarmat. Aningaasaqarnermut Naalakkersuisoqarfiup naatsorsuutigaa naliliisarlungi misissuineq taanna 2012-imi upernaakkut saqqummiunneqassasoq.

1. Nioqqutissat akitsuuteqanngitsut atorunnaarsinneqarneranni kingunerisai kisitsisitingut takussutissiannngorlungit pissarsiarineqarsinnaappat?

Naamik. Maannakkuugallartoq erseqqissumik paatsuugassaannngitsumillu kingunerisaanik naliliisoqarsinnaanngilaq. KNI Kangerlussuarmi akitsuusigaanngitsunik pisiniarfimmud tunngatillugu KNR aqqutigalugu Kangerlussuarmi akitsuusigaanngitsunik pisiniarfimmud sunniutigisaanik paasissutissiivoq. Tassuunakkulli paasineqarsinnaanngilaq paarlattuanik maani nunatsinni pisiniarfinni tamani tunisaqarnerulertoqarsimanersoq. Maannakkuugallartoq paatsuugassaannngitsumik naliliisoqarsinnaanngikkallarpoq. Tamakku eqqarsaatigalugit eqqussinikkut akitsuutinit pissarsiat allanngoriartornerat pillugu naliliisarlungi misissuisoqarnera innersuussutigineqassaaq.

2. Nioqqutissat akitsuuteqanngitsut peerneqarneri qanoq sunniuteqarpat?

Imigassanik tupanillu tunisat akitsuusigaanngitsunik pisisinnaanerup atorunnaarsinneqarnerinnaanik pinnatik pissutsinilli arlalinnik sunnerneqartarput. Ataatsimut isigalugu ukiuni kingullerni imigassamik tupamillu atuineq annikilleriarpoq. Akitsuusigaanngitsunik tunisaqarsinnaanerup unitsinneqarneraniillu – aamma pujortartarnermut inatsisip akuersissutigineqarneraniilli - aammattaaq annikilliar-tortoqartuarsinnarpoq. Taamaammanuna akitsuusigaanngitsunik nioqquteqarsinnaanerup atorunnaarsinneqarnerata sunniutai eqqoqqissaartumik oqaaseqarfigiuminaatsut. Taamaammat naliliisarlungi misissuineq erseqqinnerusunik inerni-liilersinnanga utaqeqqaarniarpara.

20. jan 2012
Sagsnr. SJ-STD-
KARM
Dok. Nr. 806556

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail: tax@gh.gl
www.nanoq.gl

3. Taassuma ataani, nunatsinni aningaasaqarnermut iluaqutaava?

Takuuk apeqqut 2.

4. Aammalu sulisoqarneq eqqarsaatingalungu qanoq kinguneqarpa?

§ 37 malillugu apeqqutip akineqarnissaanut killiliussa q nallertinnagu paasissutisat, paatsuugassaangitsumik itisilerutaasunillu akissuteqarsinnaajumalluni nioqqutissanik akitsuusigaangitsunik tuniniaaneq pillugu toqqaannartumik toqqaannangitsumillu ilaasariaqartut, pisariaqartinneqartut attuumassuteqartullu pissarsiariniassallugit periarfissaqarsimanngilaq. Tassunga atatillugu ulloq 22. december 2011-imi KNR innersuussutigissavara oqaatigimmassuk KNI Pilersuisoq oqarsimasoq Kangerlussuarmi pisiniarfiup kaaviiartitai 50 %-inik ikileriasimasut akitsuuteqanngitsunillu pisiniarfimmi sulisoq ataaseq Kangerlussuarmilu sulisut allat marluk soraarsitaasimasut.

5. Nioqqutissat akitsuuteqanngittut atorunnaartinneqarnerat siunertamisulli kinguneqarpa?

Naliliisarluni misissuinerup inernissaa inerniliitinnanga utaqqigallassavara.

6. Nioqqutissat akitsuuteqanngitsut eqquteqqinneqarsinnaaneri naalakkersuisut qanoq isumaqarfingivaat?

Naalakkersuisut pilersaaruteqanngillat maannakkut nunanit allanit tikinnermut nalunaarut atuuttoq naliliisarluni misissuinissaq saqqummiunneqareertinnagu allangortissallugu.

Inussiarnersumik inuulluaqqusillunga



Maliina Abelsen